



**Nunat Aqqinik Aalajangiisartut  
marlungorneq oktobarip 25-anni 2011-mi  
Oqaasileriffimmi ataatsimiinnerat**

**Peqataasut.:** Carl Christian Olsen, Stephen Heilmann, Abia Abelsen, Tukummeq Qaavigaq aamma Lotte Holm.

Allatsi: Lisathe Møller Kruse.

Oqaluuserineqartut makkuupput:

1. Tikilluaqqusineq
2. Imaqarniliap akuerisassatut saqqummiunnera (*oktobarip 4-anni 2011-mi ataatsimiinnermit imaqarniliaq*)
3. Aatsitassanut Ikummatissanullu Pisortaqarfimmiit saaffiginnissutit
  - i. Stednavn for ELA 2012-03.doc (Qeqertarsuup kangia Nuussuarlu)
4. Danskisut atillit aqqit danskit nutaamik allattarnerannut nutsernissaat, soorlu
  - i. gletscher → gletsjer
5. Allattaatsitta malittarisassai tunumiorpalussuserlu
6. Taasariaqartut allat



**1. pillugu –**

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

**2. pillugu –**

Oktobarip 4-anni 2011-mi ataatsimiinnermit imaqarniliaq akuerineqarpoq.

**3. pillugu –**

Aatsitassanut Ikummatissanullu Pisortaqarfimmiit saaffiginnissut Nunat Aqqinik Aalajangiisartunit eqqartorneqareerluni ima akuerisaasumik taaguuteqartussatut aalajangerneqarpoq:

Stednavn for ELA 2012-03.doc

**Niffit**

*(Qeqertarsuup kangia Nuussuarlu)*

**4. pillugu -**


Kalaallit Nunaanni qallunaatut atillit nunat aqqi qallunaat ullumikkut pisortatigoortumik allaasiannut tulluussarnissaat pillugit Nunat Aqqinik Aalajangiisartut eqqartuippat, soorlu Kalaallit Nunaanni nunat aqqini qallunaatuujusuni *gletscher* qallunaat ullumikkut allaasiannut “*gletsjer*”-imut tulluussarneqassanersoq eqqartorlugu.

Nunat Aqqinik Aalajangiisartut aalajangerpaat Kalaallit Nunaanni nunat aqqi akuerisaareersut “*gletscher*”-imik ilallit qallunaat ullumikkut pisortatigoortumik allaasiannut allanngortillugit akuerisaasumik “**gletsjer**”-inngortinneqassasut.

**5. pillugu -**

Nunat Aqqinik Aalajangiisartut tunumi nunat aqqi Lotte Holmimit aasaq nalunaarsorneqartut aalajangersarlugit akuerinnginnerini allattaatsimut tunngasunik eqqartuippat. Allattaatsimut tunngasunik eqqartuisariaqarnerannut pissutaasut ilagivaat tunumiut nipiminnut tulluartutut isigisaminnik allattaatsimik nammineq allattarnerat, nunallu aqqi tunumi nalunaarsukkat akuerisassat allattaasitaap malittarisassaannut ilaatigut naapertuutinnginneri.

Nunat Aqqinik Aalajangiisartut ataatsimiinnginnerini allattaatsimut tunngasunik ilaasortat aalajangersaasussaannnginnerat erseqqissarneqarpoq, allattaatsimut tunngasut Oqaasiliortut



suliassaqarfiisa ilagimmagit. Suliassaq taanna Oqaasiliortut suliassaattut saaffiginnissutigineqareerpoq.

CCO erseqqissaavoq Kalaallit Nunaanni sumiorpaluutsit oqaluttuassartaat ima agguataarneqartartut:

- Kitaata qeqqarmiut
- Ersangasunik oqaloriaasillit (*I-dialekt*): Upernavik, kujataa, Tunu
- Avannersuarimiut
  - o Avannersuarimiut 1860-p siorna
  - o Avannersuarimiut 1860-p kingorna

NAA-mi ilaasortat tunumi sumiorpaluutsinut tunngasunik eqqartuipputtaa. Tasiilap Nunallu Isuata akornanni najugaqarsimasut allatut sumiorpalussuseqarsimagaluarnerat oqaatigineqarpoq, kiisalu Illoqqortoormiormiut sumiorpalussusiat kitaamiut tunumiullu sumiorpalussusiannit sunnerneqarluni immikkut sumiorpalussusiusoq erseqqissarneqarluni.

## 6. pillugu -

-----

Carl Chr. Olsen  
Siulittaasoq

Lisathe M. Kruse  
Allatsi